

# 210:中土所立之【四種教:<sup>1</sup>光宅、<sup>2</sup>智者、<sup>3</sup>元曉、<sup>4</sup>苑公】

疏鈔二/四冊，二藏教所攝，華嚴疏鈔卷三 p64~102，no. 210

講義出處:華嚴懸談會玄記卷 18~20 蒼山再光寺比丘普瑞集

整理者: 葉苾芬，『華嚴懸談』課程講義。2022，12，30

**1 光宅四教** p64~75

(華嚴懸談會玄記卷 18)

## 鈔【四衢即四諦】 p64r9

- 1 衢道正譬四諦。四諦觀異名，名四衢。四諦同會見諦，如交路頭。
- 2 見惑雖除，思惑猶在，不名露地。三界思盡，名露地。
- 3 住果不進，故云而坐。
- 4 故今用之以譬四諦。大般若中說四衢道為四諦，
- 5 故今就三乘同觀四諦理中，引入真實一乘也。

## ▲鈔【盡智、無生智，是二乘車體】 p65r4

- 1 舊解小車者，小果也。果有「有為、無為」，功德正取有為，以譬車運運入無餘也
- 2 有為果中具有福慧，為正福屬餘度，具其慧有十，而八通因果  
(一法智二類智三苦智四集智五滅智六道智七它心智八世俗智，此八通因果九盡智、十無生智)
- 3 盡智、無生智唯是果位，乃取二智以譬車果，以是義故，車在門外。
- 4 依大品云:『是乘從三界出，到薩婆若中住。若未出時，已乘是乘，爭出火宅。
- 5 何故復言車在門外? 若先在門外，乘何而出? 然但乘通因果，三十七品斷見思惑皆是因乘。
- 6 盡智無生智皆名果乘，要因因乘斷惑盡，方得果乘盡智無生智，故言車在門外。
- 7 今亦以盡智無生智為體，然盡無生二智通大通小。
- 8 十地疏云:『因亡曰盡，即盡智也。後果不起，名為無生，即無生智也(上大乘義)
- 9 智小乘者，現在惑亡名為盡，利根之人，保彼煩惱更當不起，名曰無生。

## ▲鈔【羊車鹿車牛車】 p65r9

- 1 疏云:『羊多附人，如聲聞。鹿多靜處，如獨覺。牛能負運，如菩薩二利
- 2 彼抄云:『因位牛車者，根本智。名牛有二功能: (1)能證理，(2)能引後智。初如能負，後如能運等)
- 3 鈔【一者機索】者即密索也，【二口索】者即顯索也。

### ▲鈔【三乘之人以佛教門出三界苦】 p65r11

- 1 尋言趣理，出三界苦故。
- 2 問：『三乘出界，俱至本果不?』  
答：『二乘到極果，菩薩未到極果。』
- 3 問：『三乘皆虛指，何以偏二乘至果，菩薩不至耶?』  
答：『二乘不求作佛，得至小果。菩薩意欲成佛，至法華時，三祇之行未滿故。』
- 4 問：『既菩薩未至果，何故此中謂究竟?』  
答：『小乘已得果，謂為究竟。菩薩但聞，故說謂為究竟。此時雖未解索一乘法，已被三乘法門淘煉既久，堪受一乘根器，發起上扣擊於佛心，密有索義也。』

### ▲鈔【三根、求法求記、為說、與記】 p66r2

- 1 身子為上根第一周法說即解，故四大聲聞(須菩提迦旃延迦葉目連也)為中根。
- 2 第二周，喻說方解，故富樓那等五百聲聞等為下根。
- 3 第三周，聞宿世因緣始解，
- 4 故言【求法求記】者，  
如方便品舍利弗三請即求法也。  
如四大聲聞等，聞舍利弗授記，而有以譬喻等皆是求法求記也。
- 5 如方便品開示悟入，即【為說】也如譬喻品授鷲子記等八處授記即【與記】也
- 6 問：『二乘自知小果非真，求記可耳? 菩薩自知當得大果，何故亦求記耶?』  
答：『般若深密所化菩薩，在見道前元意各趣當教之果。  
今自生疑悔，故別求一乘記也。』

### ▲鈔【彌勒序品陳四眾疑】 p66r3

- 1 由佛放光，彌勒與四眾咸疑問文殊(云云)：『何緣世尊現斯神變，放光照東方等』
- 2 徵佛定因也(欲迴未達令人實故。豈彌勒猶有疑也?應知菩薩出界，方始求記)
- 3 亦但約教道，若約證道修進，記深入地之後心入實故)
- 4 又偈云『佛坐道場所得妙法，為欲說此，(即求法也)  
為當授記，(即求記也)即一人發言，言三人之心也

### ▲鈔【騰疑白佛】 p66r8

- 1 時舍利弗既得授記，復白佛言：『我今無疑，親於佛前得記! 是諸千二百心自在者昔住學地，佛常教化，言我法能離生老病死，究竟涅槃。而今於佛聞所未聞，皆墮疑惑，善哉世尊! 願說因緣，令離疑悔』，即騰疑白佛請說譬喻之車，除彼疑悔

### ▲鈔【彌勒陳疑】 p66r9

- 1 以下方菩薩從地踊出，而佛言「皆是我化」。時彌勒及無數菩薩心生疑惑，恠未曾有，『云何世尊於少時，聞教化無量無邊阿僧祇菩薩，令住菩提？父少而子老，舉世所不信。』

### ▲鈔【開示知見】 p66r9

- 1 答前身子三請，說佛壽量，答前彌勒請說果車。
- 2 由佛三身壽量長遠，故能化爾許菩薩也。

### ▲鈔【菩薩聞是法】 p66r10

- 1 即方便品文。亦酬前身子之請，即彼第三請中，云及餘求佛者，是等聞此法，則生大歡喜。今既聞已，即疑網除，故云【歡喜】。
- 2 既云【菩薩疑網除】，明是地前菩薩，疑唯分別，入見即除故。

### ▲鈔【復經少時】 p72r1~5

- 1 下天台疏云「鄙棄先心欲求大道大根發」也。
- 2 何名少時？
  - (1)一云，說般若竟，於異處遊觀尋思所領大乘法門，心生貪樂為失不為失如此尋思即是大機發時也。此時去法華未遠，故言少時。
  - (2)又當說無量義時，大乘機發。既聞無量義者，從一法生，思惟昔三，皆從一法生。如是三乘亦應入一，如是思惟，【漸已通泰】，大心即發，故云【成就大志】。
- 3 昔受化者名子，法身菩薩影響者為親族，諸經益根興廢有時，部部不同名國。皆言第一即王，彌勒等皆是等覺，為大臣。初地至九地為剎利，法王種姓中生故三十心為居士，實從我受學，從我起解。
- 4 【是我所生】，我實曾於二萬億佛所，曾教大法，故實是父，背此大乘，起無明闇遁入生死，故言【捨吾逃走】
- 5 【伶僂】者，切韻云。行不正也，備經六趣故。
- 6 云【五十餘年】，以修羅或天趣等攝故。
- 7 復言餘【昔在本城】下，自昔法身地，中常以二智觀覓可化之根，始於今日感應道交故，
- 8 曰【忽於此間，會遇得之】等，一切財物，萬德萬行也。

(華嚴懸談會玄記卷第十八，竟)

鈔【金銀珍寶】 p72r7~8

- 1 彼疏云；『金即別教理，銀即通教理。
- 2 大品所明真諦，不出共不共二。而云多者，約種種門。  
言多，如破十八計名十八空，此即取三乘理，  
令一切眾生當得究竟諸法實相，為一乘理。
- 3 一切法門皆是珍寶，倉即定門。百八三昧庫是慧門，十八空境也。
- 4 通別兩種定慧倉庫，包藏一切定慧，無有缺少。內充外溢故云盈溢
- 5 言其中多少者，說於般若，則有廣略二門，  
菩薩行般若廣略相，略則為少，廣則為多，自行為取，化他為與。
- 6 大品中云：『汝(呼善現也)，當為菩薩說』故云汝悉知之。
- 7 言慧命者，玄讚云：『在俗之徒，皆愛身恒之壽。聖者之輩，並寶智慧之命故。』

鈔【義說為四者，以但廢昔三教】 p73r3

- 1 初廢教者，如何廢耶？三乘但是假名字，引導眾生，則廢昔三教，  
故言昔三是權，即今一實。使顯以昔三教，互不相見故權。
- 2 今會歸，總成一教，即是實也。

▲鈔【此喻(三點成伊喻)至出現品】 p73r8

- 1 彼鈔云：『涅槃第二云，我今當令一切眾生及以弟子四部之眾，悉皆安住祕密藏中。我亦復當安住是中，入於涅槃。何等名為祕密之藏，猶如伊字三點，
- 2 若並則不成，伊縱亦不成，如摩醯首羅面上三目，乃得成伊三點，若別亦不成伊，我亦如是，解脫之法亦非涅槃，如來法身亦非涅槃。摩訶般若亦非涅槃，三法各異，亦非涅槃。我今安住如是三法，為化眾生，名入涅槃。』

▲鈔【根敗之士】 p74r11

- 1 即淨名經中佛道品文。也即眼等五根，隨有敗壞之者，其於色等五欲塵境，不能緣了，受用利益。
- 2 身心喻於聲聞，已斷煩惱障，不能留惑潤生，於生死中廣利群品不，能成佛果。
- 3 今法華兼會權，故今昔有異，昔劣今勝，是其本意也。

▲言【又入道場】 p76r4

- 1 顓初到大蘇見思，思便云：『靈山同聽』即示顓普賢道場，為說四安樂行。顓乃於此山行法華三昧，始經三夕，誦至藥王品，心緣苦行至是真精進句，解悟便發見。共思師處靈鷲山，七寶淨土，聽佛說法。
- 2 思大師云：『非汝不證，非我不知。』

鈔【廣如四諦品】 p76r9

- 1 疏云：『四聖諦者，聖者正也，無漏正法得在心故。諦有二義，  
(1)一者諦實，此約境辨。謂如所說相不捨離故，真實故，決定故謂世出世二種因果，必不虛妄，不可差失。  
(2)二者審諦，此就智。明聖智觀彼，審不虛故。凡夫雖有苦集，而無審實不稱諦。無倒聖智，審如境故，故名聖諦。
- 2 瑜伽云：『由二緣故名諦。(1)一法性也(此諸法自性也)，(2)二勝解故，愚夫有初無後，聖具二故。』

疏【通教言三乘同稟】 p77r7

- 1 問：『與藏教三乘何別?』  
答：『巧拙不同，利鈍不等。以三藏析色明空，故拙。通教，體色明空，故巧。』
- 2 問：『若爾，何用二乘同稟?』 答：『引小乘漸入實故。』

▲鈔【謂解苦無苦】 p78r2

- 1 義引涅槃也。經云：『  
『諸凡夫人，有苦無諦(以無審諦妄計為樂也)，  
聲聞緣覺，有苦有苦諦，而無真實(無無生也)。  
諸菩薩等，解苦無苦，是故無苦而有真諦(有無生諦)。  
凡夫人，有集無諦，聲聞緣覺，有集有諦，而無真實。  
諸菩薩等，解集無集，是故無集而有真諦。  
聲聞緣覺，有滅非真。菩薩有滅有真諦，聲聞緣覺有道非真，菩薩有道有真諦等』
- 2 菩薩四皆言真諦，者即四無生理也。
- 3 然言【解苦無苦】等者，苦無逼道相，集無和合相，道無不二相，滅無生相等。

### ▲【羅漢得之】 p79r3

- 1 金剛經云:『實無有法名阿羅漢，世尊，若阿羅漢作是念，我得阿羅漢道，即著  
我人眾生壽者』
- 2 此四種，統唯我相。是主宰義。但由展轉，約義故有四名。
- 3 迷識境故謂，取自體為我相計我，未來展轉趣於餘趣為人相。  
計我過去從無始來，種種生死，為眾生相。  
計我現在一報，命根不斷而住，為壽命相。

### 鈔【通，則上通別圓】 p79r10

- 1 四教義云:『通前藏教，通後別圓，故名通教。』
- 2 又從當教得名，謂三乘人，同以言說道，體色即入空，故名通教。
- 3 疏云通者同也，以此教菩薩中有二類根故。  
謂利與鈍鈍，則但見偏空，不見不空，止成當教果。  
頭顯佛行因雖殊，果與藏教齊故。即今云下通二乘。  
若利根菩薩，非但見空兼見不空，即中道。分二種，謂但中不但中，  
若見但中，別教來接。若見不但中，圓教來接故。
- 4 今言上通別圓，只由此義，故立通名，不名共也。

### ▲【巧度一切智】 p80r1

- 1 大品三智中，即一切智也。
- 2 止觀云:『從假入空，空慧相應，即能破見思惑，成一切智，能得真體，  
對愚法二乘拙度，故云巧度』(拙折巧體故)。

### ▲鈔【六、位通】 p80r2 (通教十地，三乘共十地)

鈔引智論及天台意云:『

**\*一、乾慧地**：

三乘初心通名乾慧，大乘即是三賢。若小乘說:

(1)一五停心觀

(2)二別相念處觀(色蘊不淨，受蘊是苦，識〔濫〕無常，想行二蘊為無我。各別配故云別)

(3)三總相念處觀(總觀五蘊，無常苦空無我)

\*已上三種，總觀:無生四真諦理，故名乾慧，意云未得定水故，當外凡位



\* **三乘共十地、通教十地** (佛光)

**乾慧等之十地**：此說見於大品般若經卷六、卷十七等，以此十地共通於三乘，故稱三乘共十地，或共十地、共地；**天台宗稱之為通教十地**。謂菩薩依方便力修六波羅蜜，同時順次行四念處乃至十八不共法，經前九地至佛地。此十地為菩薩所具者；所謂**佛地**在此**非指佛果**，乃指菩薩如佛修十八不共法等。釋其意如下：

- (一)**乾慧地**，又作過滅淨地、寂然雜見現入地、超淨觀地、見淨地、淨觀地。乾慧意指單有觀真理之智慧，而尚未為禪定水所滋潤。此位相當於聲聞之三賢位，以及菩薩自初發心乃至得順忍前之覺位。
- (二)**性地**，又作種性地、種地。即聲聞之四善根位與菩薩得順忍之位，雖愛著諸法實相，但不起邪見，係智慧與禪定相伴之境地。
- (三)**八人地**，又作第八地、八地。人即忍意。相當於聲聞見道十五心（已體認四諦十六心之八忍七智）之須陀洹向，與菩薩之無生法忍。
- (四)**見地**，又作具見地。相當於聲聞四果中之初果須陀洹果，與菩薩阿鞞跋致（不退轉）之位。
- (五)**薄地**，又作柔軟地、微欲地。聲聞已斷欲界九種煩惱（修惑）一分之位，即須陀洹果或斯陀含果。亦指菩薩已斷諸煩惱，猶存薄餘習之位，即阿鞞跋致以後至未成佛間之覺位。
- (六)**離欲地**，又作離貪地、滅婬怒癡地。聲聞斷盡欲界煩惱得阿那含果之位，與菩薩離欲得五神通之位。
- (七)**已作地**，又作所作辦地、已辦地。即聲聞得盡智、無生智證得阿羅漢果，或菩薩成就佛地之位。
- (八)**辟支佛地**，即觀十二因緣法而成道之緣覺。
- (九)**菩薩地**，指從前述之乾慧地乃至離欲地，或指自後述之歡喜地乃至法雲地（初發心至金剛三昧），即菩薩自最初發心至成道前之覺位。
- (十)**佛地**，指一切種智等諸佛之法完全具備之位。大智度論卷七十五載，此三乘共位之菩薩，依無漏智斷盡疑惑而開悟；如燈心燃燒，不一定於初焰或後焰燃燒，同理十地之斷惑亦不固定於任何一地，而係各自皆能至於佛果，故喻謂燦燦之十地。

鈔【即第三(種)四諦(無量四諦)】 p80r10

1 玄義云：『無量者，迷中重故，從事得名。

苦有無量相，十法界果不同故。**集**有無量相，五住煩惱不同故。

**道**有無量相，恒沙佛法不同故。**滅**有無量相，諸波羅蜜不同故。

2 又涅槃疏云:

『苦集該於分段、變易二種因果，滅道統收分段變易兩種對治觀法  
寬廣故云無量，不同小乘苦集，只在分段因果，滅道但是分段因果對治，  
而寬於生滅。』

疏【圓以不偏為義】 p81r10

- 1 四教儀云:『圓明、圓妙、圓滿、圓足、圓頓故名圓教也。』
- 2 雖以五字釋云，皆以不偏之義。謂偏則不明，偏則不妙等也。
- 3 是則「不偏」是通釋名，明、妙等是別釋名也。

鈔【無作四諦】 p82r1

- 1 此四諦，非唯但空。今了陰入皆如，無苦可捨，無明塵勞即是菩提，無集可斷。  
生死即涅槃，無滅可證。邊邪皆中正，無道可修。無集無苦，即無世間。  
無滅無道，即無出世間。不取不捨，即同一諦。鈔釋云即無作四諦也。

▲鈔【二諦】 p82r4

1 二諦中道義，兩釋:

- (1)一約三諦各別釋，如起信，依第一義諦之一心開真如生滅二門，名真俗二諦
- (2)言【又融二諦即是中道】者，只融二諦，便是中道，更無別體。

鈔【一、教圓者】 p83r10

- 1 教圓，妙不偏局故。
- 2 理圓者，下雖說二諦，無不皆契中道圓融理故。
- 3 智圓下，一切智即真智，種智即俗智，雙融真俗二智為一智，名一切種智也。
- 4 斷圓下，無漏智起時，性相無礙，方能斷結。故云無明惑斷也。
- 6 位圓下，彼說圓教有八位(配六即佛)。
- 7 因圓下，言自然流入者，皆契中道，不假功用，流入佛果海故。
- 8 果圓下，三德之果，如前三點成伊處已引。

(華嚴懸談會玄記卷第十九，竟)

(以下華嚴懸談會玄記卷第二十)



## 鈔【言從假入空析體異】 p84r11

- 1 釋初析色中有二，初總相分析，一色蘊為十一分，故色蘊空。
- 2 又於下別相析法為空，謂觀一眼清淨色根，能造四大，所造四塵，  
離八微外而無色根。
- 3 百法鈔云：  
『且能造中地大極微，未來世中，而有無限各各別住。  
若為能造時，便遷至現在，七箇合為一微，而有方分作用俱起，方名能造。  
地大既爾，餘三大亦然。所造色香味觸皆爾。...』
- 4 而言微者是極少義，或有頌云：『極微微金水兔羊牛隙塵此為八微』
- 5 今析故成空，說此觀行之言名為藏教。

### 極微 (佛光)

1 梵語 paramānu。又作<sup>1</sup>極微塵、極細塵。舊譯鄰虛。物質(色法)分析至極小不可分之單位，稱極微。依俱舍論卷十二謂，以一極微為中心，集合上、下及四方等六方之極微而成一團，稱作「微」，又稱「微塵」，亦即合七極微為一<sup>2</sup>微塵，始為天眼等之所見。集合七微塵，謂一<sup>3</sup>金塵，七金塵謂一<sup>4</sup>水塵，七水塵謂一<sup>5</sup>兔毛塵，七兔毛塵謂一<sup>6</sup>羊毛塵，七羊毛塵謂一<sup>7</sup>牛毛塵，七牛毛塵謂一<sup>8</sup>隙遊塵(又作向遊塵)。金塵、水塵能夠通過金中、水中之空隙，故塵有極微細之意。兔毛塵、羊毛塵、牛毛塵，乃表示塵如兔、羊、牛的毛端之微細。隙遊塵則指如窗隙間，吾人肉眼可視之光中浮遊細塵而言。

2 極微集合形成具體物質之時，至少須具足地、水、火、風四大，與色、香、味、觸四塵(四微)始能形成。因不能缺少其一，故稱「八事俱生，隨一不減」。

## ▲鈔【三觀迤邐，故成別教】 p85r4

- 1 次第觀察展轉造極。言【動寂無二】者，約能觀心，【遠離空有】者，約所觀境。
- 3 所觀遠離空，故能觀心不沉寂。所觀遠離有，故能觀心不動亂。
- 4 不寂，故雖廓爾無相，而應動無方。不動，故雖嚴土利生，而畢竟無相。
- 5 依次第觀察之法門，以言宣說故，故云別教。

## ▲鈔【三觀一心得】 p85r7

- 1 以無念之一心，寂照居懷，三一互融，而俱存。三一雙亡，而無在。
- 2 一心通達既爾，念念皆然。依圓融觀行法門，以言顯示故名圓教。
- 3 止觀云：『為破二邊，名中。為破次第三觀，名三觀。一心實無中及一心定相。』

### ▲鈔【般若部中 唯有三教】 p86r8

- 1 問:『前云般若帶小說大，既是帶小，豈無藏教耶?』  
答:『般若帶小說大小，是通教之小，非藏教之小，故無(藏教)也。』
- 2 有:通教者，三乘皆學般若故。有別教者，雖廣說佛德，二乘無分故。  
有:圓教者，有色即空等義故。

### 鈔【涅槃十仙，果證羅漢】 p86r10

- 1 經三十九及四十云:  
『闍提首那等十仙外道，聞佛說常樂我淨，聚眾白阿闍世王，王領外道同見佛論議，各各詞屈，求法出家。十仙者:一婆羅門闍提首那、二梵志婆私吒、三梵志先尼、四梵志姓迦葉氏、五梵志富那、六梵志淨名、七犢子梵志、八納衣梵志(上八皆證阿羅漢果)、九弘廣婆羅門(發菩提心)、十須跋陀羅(亦證阿羅漢果)。  
2 彼疏云:『初二人邪見外道(說涅槃法為無常故)，次二人我見外道，富那及淨名邊見外道，犢子是疑心外道，疑道有無并疑得者。納衣是自然外道說，一切法皆自然有，亦邊見攝弘廣，及須跋戒取外道，弘廣執取乞食為道。須跋執取苦行為  
3 問:『既皆外道，何以速能得道?』  
答:『止觀云:「若福德法，昇天甚易，取道則難。  
見是慧性，沉淪亦易，悟道甚疾。」』

### 疏【又更以四種化儀收之】 p87r1

- 1 上以義類分判一代時教，今又判一代時教有四種化生儀軌法式。此總判部帙漸說頓說等。
- 2 言【收之】者以此四儀，收前四教故。頓儀收圓別二教，餘三儀各具收四教。
- 3 然智者於妙玄初，亦同南中諸師，唯立頓漸不定三教，後方開於不定，復成祕密
- 4 問: 探玄云:『一三藏教亦名小乘教，二通教亦名漸教，三別教亦名頓教，  
四圓教亦名祕密教，其故何耶?』  
答:『復是一理亦但傍義立名，雖有六度菩薩，說在小乘，故從藏入通名漸。  
別望直入大乘名頓圓。以聲聞如聾如盲，故名祕密。無執一文為定也。』

▲鈔【又名圓教，亦名為頓】 p88r3

- 1 此約化法中，圓即頓。以非漸次歷別為頓，即圓融之義名頓。
- 2 【止觀】云者，證成圓即是頓，以彼立三重止觀：一漸次、二不定、三圓頓。
- 3 釋第三云：『菩薩聞圓法起圓信，立圓行，住圓位，以圓功德而自莊嚴。以圓力用，建立眾生等。』皆華嚴賢首品意也。

▲鈔【言即是新醫從遠方來】 p90r11

- 1(經文如上)彼疏云：『明醫喻佛，能宣治法故。』
- 2 說為醫曉八術者：『
  - 一知病體，喻佛知煩惱輕重。
  - 二知病因，喻知煩惱起因，謂不正思惟及邪師教。
  - 三知病相，喻知煩惱相，如瑜伽說貪心，即下慢心即上等
  - 四知病處，喻知煩惱起處，謂順逆境等。
  - 五知病發時是如是病，喻知煩惱起時，少時老時、貧富寒熱饑飽時
  - 六知其藥體，喻佛知不淨觀等。
  - 七知此藥治如是病，喻如不淨治貪欲等。
  - 八知禁如是病忌如是食等，喻知不淨觀時，不應取彼順情境等，』
- 3 善療知方八種差別，如阿含中具說。
- 4 言【從遠方來】者，真理難見，喻之為遠，應能隨感故名為來。

鈔【五種得戒】 p90r11 (聖嚴法師，戒律學綱要，『得戒的五種情形』)

《毘尼母經》有五種受具足戒法：1.善來比丘，即得受具；2.三語(即三皈)，即得受具；3.白四羯磨，受戒名為受具；4.佛勅聽受具(八敬法)，即得受具；5.上受具，佛在世時不受戒，直在佛邊聽法，得阿羅漢果者。

- 1 善來得，謂佛命善來比丘時，爾時得戒。即尊者耶舍
- 2 見諦得，謂五比丘。一云此時得，二云見諦已後為受，從見諦為名初解，為勝受時未有僧故。然唯初非後，後已有僧故。
- 3 三歸得，六十賢部共集受戒等。部者類也，此六十人是尊者耶舍，少小朋友聞尊者耶舍歸佛出家，遂亦出家，聞三歸時，即得具戒。
- 4 八敬得，即敬受八法。謂大愛道尼，此時未有尼故，唯此一人。或及眷屬五百同得，已後不得，以有尼故(八敬如前)。
- 5 羯磨得，此云辦事，能成辦一切比丘比丘尼僧事故。

▲言【三無漏根】 p91r1 (佛光)

指三種不染污、不起煩惱之無漏根。屬二十二根之後三根。略稱三根。此三無漏根係以意、樂、喜、捨、信、勤、念、定、慧等九根為體而立，以其有增上之力用，能產生無漏清淨之聖法，故稱為根。即：

- (一)未知當知根，又作未知欲知根。屬見道位，此位之人無始以來未曾聞四諦真理，欲知彼真如諦理，遂修習地前方便之解行，故稱未知欲知根
- (二)已知根，又作知根。屬修道位，即已知四諦真理，並已斷除迷理之惑，但為斷除迷事之惑，進而觀四諦之理，清楚了知四諦之境，故稱已知根
- (三)具知根，又作知己根、無知根。乃具有洞知四諦理之無學位，以其已斷諸煩惱，一切所作具辦，故其九根稱為具知根。又此位已得盡智、無生智，唯無學果之人有此智。

(立四教，竟)(至卷三，p102 竟)

(華嚴懸談會玄記卷第二十)